

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA NANE

KIKAO CHA NNE

31 JANUARI, 2020



ORODHA YA SHUGHULI ZA LEO

MKUTANO WA KUMI NA NANE

KIKAO CHA NNE – TAREHE 31 JANUARI, 2020

I. DUA:

II. HATI ZA KUWASILISHA MEZANI:

MWENYEKITI WA KAMATI YA KUDUMU YA BUNGE YA MIUNDOMBINU:

Taarifa ya Kamati ya Kudumu ya Bunge ya Miundombinu kuhusu Shughuli za Kamati kwa Mwaka 2019.

MWENYEKITI WA KAMATI YA KUDUMU YA BUNGE YA VIWANDA, BIASHARA NA MAZINGIRA:

Taarifa ya Kamati ya Kudumu ya Bunge ya Viwanda, Biashara na Mazingira kuhusu Shughuli za Kamati kwa Mwaka 2019.

III. MASWALI:

OFISI YA WAZIRI MKUU:

37. MHESHIMIWA RICHARD MGANGA NDASSA (SUMVE):

Atamuuliza Mheshimiwa Waziri Mkuu:- Kupitia Mifuko ya Jamii tayari tathmini ya kukijenga Kiwanda cha kuchambua Pamba *Nyambiti Ginnery* kilichopo Kwimba imeshafanyika, kilichobaki ni uamuzi wa Serikali kuliongezea thamani zao la Pamba:-

Je, ni lini Kiwanda hicho kitaanza kujengwa.

OFISI YA RAIS (TAMISEMI):

38. MHESHIMIWA SIXTUS RAPHAEL MAPUNDA (MBINGA MJINI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Tangu mwaka 2016, Serikali iliahidi kuboresha huduma za afya katika Hospitali ya Wilaya ya Mbinga ikiwa ni pamoja na kujenga Wodi ya Watoto, Chumba cha upasuaji na gari la Wagonjwa:-

Je, ni lini Serikali itatekeleza ahadi hizo.

39. MHESHIMIWA GODFREY WILLIAM MGIMWA (KALENGA):

Atamuuliza Mheshimiwa Waziri wa Nchi, Ofisi ya Rais (TAMISEMI):- Ukosefu wa nyumba za Walimu kwenye maeneo mengi ya Jimbo la Kalenga umesababisha Walimu kuhama na hivyo kudhoofisha ukuaji wa elimu kwa ujumla:-

- (a) Je, Serikali ina mpango gani wa kuisaidia Halmashauri ya Iringa Vijijini ili kuhakikisha inajenga nyumba za kutosha kwa Walimu;
- (b) Kwa kuwa mapato ya ndani ya Halmashauri hayatoshi kujenga nyumba za Walimu. Je, nini mkakati wa Serikali juu ya kutatua tatizo hilo.

WIZARA YA HABARI, UTAMADUNI, SANAA NA MICHEZO:

40. MHESHIMIWA MGENI JADI KADIKA (VITI MAALUM):

Atamuuliza Mheshimiwa Waziri wa Habari, Utamaduni, Sanaa na Michezo:- Utandawazi umechangia sana Vijana kupoteza maadili:-

Je, Serikali haioni sasa ni wakati muafaka kwa Vijana wetu kuwekewa umri maalum wa kutumia mitandao ili kupunguza mmomonyoko wa maadili.

**41. MHESHIMIWA MAULID SAID MTULIA
(KINONDONI):**

Atamuuliza Mheshimiwa Waziri wa Habari, Utamaduni, Sanaa na Michezo:-

Je, Serikali ina mpango gani wa kuimarisha Sekta ya michezo kwa kuandaa Wakufunzi wa michezo, kujenga viwanja vya kisasa na kuhakikisha upatikanaji wa vifaa vya michezo.

WIZARA YA KATIBA NA SHERIA:

**42. MHESHIMIWA SOPHIA HEBRON
MWAKAGENDA (VITI MAALUM):**

Atamuuliza Mheshimiwa Waziri wa Katiba na Sheria:- Kwa mujibu wa GN: No. 222 na 223 ya Mwaka 1972 pamoja na marekebisho yake ya Mwaka 2002, Wazee wa Mabaraza ya Mahakama wanateuliwa na Vikao vya Chama cha Mapinduzi (CCM) na Kamati za Maadili za Mahakimu zipo chini ya Uenyekiti wa Wakuu wa Mikoa na Wakuu wa Wilaya:-

Je, ni lini Mahakama itaacha kuingiliwa na siasa.

**43. MHESHIMIWA OMARI MOHAMED KIGUA
(KILINDI):**

Atamuuliza Mheshimiwa Waziri wa Katiba na Sheria:- Serikali imekuwa na utaratibu wa

kutenga fedha kwa ajili ya ukarabati wa Mahakama za Mwanzo:-

Je, ni lini serikali itafanya ukarabati wa Mahakama za Kata za Kimbe, Kwekivu na Kata ya Mswaki ambazo zimechakaa sana.

WIZARA YA MAJI:

44. MHESHIMIWA SUSAN PETER MASSELE (VITI MAALUM):

Atamuuliza Mheshimiwa Waziri wa Maji:- Bado kuna shida kubwa ya upatikanaji wa maji kwa Wananchi wetu hasa maeneo ya Vijijini:-

Je, Serikali inatoa kauli gani kuhusu kupunguza au kumaliza tatizo hilo kwa Wananchi wa maeneo mbalimbali ya Misungwi.

45. MHESHIMIWA FELISTER ALOYCE BURA (VITI MAALUM):

Atamuuliza Mheshimiwa Waziri wa Maji:- Kutokana na Serikali kuhamia Dodoma, mahitaji ya maji safi na salama yamekuwa makubwa na kwa sasa mgao wa maji kwa Wakazi wa Dodoma umeshaanza:-

Je, Serikali ina mpango gani mahsusi wa kuhakikisha Wakazi wa Dodoma wanapata maji safi na salama.

WIZARA YA KILIMO:

46. MHESHIMIWA JOEL MWAKA MAKANYAGA (CHILONWA):

Atamuuliza Mheshimiwa Waziri wa Kilimo:-

Je, Serikali inatoa kauli gani juu ya mabwawa ya zamani yanayotumika katika kilimo cha umwagiliaji ambayo yamepungua kina na kushindwa kuwasaidia Wananchi hususan Mabwawa ya Kijiji cha Buigiri, Kijiji cha Chalinze na Kijiji cha Izava.

47. MHESHIMIWA AHMED ALLY SALUM (SOLWA):

Atamuuliza Mheshimiwa Waziri wa Kilimo:-
Bwawa la Ishololo katika Kata ya Usule na Misengwa katika Kata ya Musengwa ni Mabwawa ambayo ujenzi wake haujakamilika kwa muda mrefu sasa; na kwa kuwa tumeshaomba maombi maalum ili tupate fedha za kukamilisha miradi hii miwili:-

Je, Serikali inatoa tamko gani katika kukamilisha miradi hii.

WIZARA YA UJENZI, UCHUKUZI NA MAWASILIANO:

48. MHESHIMIWA ABDALLAH DADI CHIKOTA (NANYAMBA):

Atamuuliza Mheshimiwa Waziri wa Ujenzi, Uchukuzi na Mawasiliano:- Ujenzi wa barabara ya Mtwara – Newala – Masasi (Km 210) umeanza kwa kiwango cha lami kutoka Mtwara hadi Mnivata (Km 50):-

Je, Serikali ina mpango gani wa kumaliza Km 160 zilizobaki.



WIZARA YA MADINI:

49. MHESHIMIWA HUSSEIN NASSOR AMAR (NYANG'HWALE):

Atamuuliza Mheshimiwa Waziri wa Madini:- Katika Jimbo la Nyang'hwale kuna maeneo mengi sana ya Wachimbaji wadogo wa madini ya Dhahabu kama vile Isakeli, Isonda, Lyulu, Nyamalapa, Lubando, Shibalanga na Kasubuya ambayo Wachimbaji hao wanafanya kazi na Dhahabu inapatikana bila utaratibu wowote:-

(a) Je, ni lini Serikali itayarasimisha maeneo hayo na kuyagawa kwa Wachimbaji ili watambulike Kisheria na iwe rahisi kwa Serikali kukusanya kodi;

- (b) Je, ni lini Serikali itatimiza ahadi yake iliyoitoa mbele ya Waziri Mkuu ya kulitoa eneo la Bululu kwa Wachimbaji wadogo.

WIZARA YA ELIMU, SAYANSI NA TEKNOLOJIA:

50. MHESHIMIWA SUSAN ANSELM LYIMO (VITI MAALUM):

Atamuuliza Mheshimiwa Waziri wa Elimu, Sayansi na Teknolojia:- Utaratibu wa marejesho ya Mikopo ya Elimu ya Juu umeendelea kukumbwa na changamoto kubwa hasa baada ya ongezeko la asilimia 6 kama *retention fee* na hivyo kusababisha wanufaika wa mikopo kushindwa kumaliza kurejesha mikopo hiyo:-

Je, kwa nini Serikali isilete Muswada wa mabadiliko ya Sheria husika utakaokuwa na masharti rahisi kwa wanufaika ili waweze kumaliza kulipa mikopo kwa wakati.

WIZARA YA MIFUGO NA UVUVI:

51. MHESHIMIWA DKT. DAVID MATHAYO DAVID (SAME MAGHARIBI):

Atamuuliza Mheshimiwa Waziri wa Mifugo na Uvuvi:- Serikali iliahidi katika Bajeti ya mwaka 2012/2013 kujenga malambo, majosho na kisima kirefu kwa ajili ya Wananchi wafugaji wa Kata ya Ruvu Jimbo la Same Magharibi:-

Je, ni lini ahadi hiyo itakamilishwa.

IV. HOJA ZA KAMATI:

MWENYEKITI WA KAMATI YA KUDUMU YA BUNGE YA MIUNDOMBINU:

Kwamba, Bunge sasa lipokee na kukubali Taarifa ya Kamati ya Kudumu ya Bunge ya Miundombinu kuhusu Shughuli za Kamati kwa Mwaka 2019.

MWENYEKITI WA KAMATI YA KUDUMU YA BUNGE YA VIWANDA, BIASHARA NA MAZINGIRA:

Kwamba, Bunge sasa lipokee na kukubali Taarifa ya Kamati ya Kudumu ya Bunge ya Viwanda, Biashara na Mazingira kuhusu Shughuli za Kamati kwa Mwaka 2019.

DODOMA
31 JANUARI, 2020

S. KAGAIGAI
KATIBU WA BUNGE